

इवनिंग डोगरी न्यूज़ बुलेटिन

समे 18:15 Hrs

<><><><><><>

Headlines

- “दुए देशें च निर्भरता भारत दी इकली दुश्मन ते आत्मनिर्भरता इकल्ला हल ऐ”- आखेया प्रधानमंत्री नरेन्द्र मोदी होरें।
- उपराज्यपाल मनोज सिन्हा होरें दूर-दरेडे इलाके दे बसनीकें आस्तै सेहत सुविधां किफायती ते उन्दी पुज्ज तोड़ी बदाने पर जोर पाया।
- उधमपुर च सेना-पुलस ते आतंकवादियें दे टाकरे च इक सेना दा जवान शहीद, सुरक्षा गी मता निग्गर किता गया।
- मुख सचिव अटल डुल्लु होरें Vibrant Village प्रोग्राम दे दुए चरण गी लागू करने आस्तै तयशुदा समय आली असरदार कार्य-योजना तैयार करने आस्तै आखेया।
- भारी बरखा दे चलदे प्रभावित रेल सेवा कल थमां जम्मू च परतियै ब्हाल किती जाग।

<><><><><><>

PM Gujarat (Byte)

प्रधानमंत्री नरेन्द्र मोदी होरें देसै गी हर खेतर च आत्मनिर्भर बनाने दी जरूरतें पर जोर पांदे होई आखेआ ऐ जे बदेशी मुल्खें पर भारत दी निर्भरता, साढ़े सबनै शा बड्डे दुश्मनै चा इक्क ऐ। उनें आखेआ जे हून समां आई गेदा ऐ जिसलै भारत 2047 तगर विकसित भारत दे सुक्खने गी सच करने लेई दुनिया दे सामने इक आत्मनिर्भर राष्ट्र दे रूपै च खड़ा होऐ। प्रधानमंत्री मोदी अज्ज गुजरात दे भावनगर च समुंदर थमां समृद्धि नांs दे कार्यक्रम गी संबोधित करा’ रदे हे। भारत गी

इक समुंदरी महाशक्ति बनाने दे अपने सरकार दे नजरिये पर बचार सांझे करदे होई श्री मोदी होरें आखेआ जे देसैं दा लक्ष्य 2047 तगर वैश्विक समुंदरी बपार च अपनी हिस्सेदारी गी त्रै गुणा तगर पुजाना ऐ। उनें आखेआ

<><><><><><>

LG Healthcare (Byte)

लेफ्टिनेंट गवर्नर मनोज सिन्हा होरें सबनें बसनीकें, खासकरियै दूर-दरेडे इलाकें च रौहने आहले गी पुज्जत आहली ते किफायती सेहत दिक्खभाल सुविधां उपलब्ध करोआने दे महत्वै पर जोर पाया ऐ। एल.जी होर श्रीनगर च इक निजी अस्पताल दे नमें केन्द्र दे उद्घाटन परैन्त बोला करदे हे। इस मौके पर उ' नें मेडिकल दे खेतर कन्नै जुड़े दे लोकें दा आहवान कीता जे ओह जम्मू-कश्मीर दे दूर-दरेडे ते पच्छेत्ते इलाकें च मरीजें तोहड़ी माहिराना सेवाएं दी उपलब्धता जकीनी बनांदे होई सेहत खेतर गी तगड़ा बनान। श्री सिन्हा होरें खिते च अक्खिएं दी दिक्खभाल आहली सेवाएं दे विस्तार च इस निजी अस्पताल दे जतनें दी सराहना कीती ते आखेआ जे सरकार समूलचे प्रदेश च सेहत ढांचे च सुधार गितै वचनबद्ध ऐ। इस मौके पर एलजी सिन्हा होरें आखेआ

<><><><><><>

Security Heightened

डोडा ते उधमपुर जिलें दे इक-दुए कन्नै लगदे सीमा खेतर पर स्थित सियोज धार इलाके च सुरक्षाबलें ते आतंकवादिएं बश्कार टाक्करा छिड़ने दे मददेनजर एकड़े दौनें जिलें च सुरक्षा बवस्था निगगर करी दिती गई ऐ। एह टाक्करा कल चिरें स' झां उसलै शुरु होआ हा जिसलै सुरक्षाबलें गी इलाके च आतंकवादिएं दी मजूदगी बारै पता लगगा। फौज दी व्हाइट नाईट कोर ने जानकारी दिती ऐ जे टाक्करे च फौज दा इक जवान शहीद होई गेआ ऐ। जम्मू दे आई.जी.पी होरें सोशल मीडिया मंच - एक्स पर इक पोस्ट च आखेआ ऐ जे पुलस, एसओजी ते फौज दिआं सांझी टीमां आतंकवादिएं खलाफ बशेश अभियान गी अंजाम देआ करदि' आं न। तोआई एहतियात दे तौर पर

जम्मू-श्रीनगर राश्ट्री जरनैली सिड़कें पर बी सतर्कता बधाई दिती गेई ऐ तांजे सुरक्षा जकीनी बनाने दे कन्नो-कन्नी कुसै माड़ी घटना गी होने थमां रोकेआ जाई सके। सुरक्षा एजेंसियां हालात पर लगातार तक्क रक्खा करदि' आं न।

<><><><><><>

GST Reforms (Byte)

समूलचे जम्मू-कश्मीर दे बसनीकें सरकार आसेआ अगली पीढ़ी दे जी.एस.टी सुधारें तैहत जी.एस.टी दिएं दरें च कीती गेदी कटौती दा सोआगत कीता ऐ ते इसी आम माहनुयै लेई इक्क बड्डी राहत करार दिता ऐ। सरकार नै घरेलू इलैक्ट्रानिक समेयान पर लग्गने आहले जी.एस.टी पर कटौती कीती ऐ। एयर कंडीशनरें-डिशवाशरें-टेलीविजनें ते मॉनीटरें पर टैक्स दी दर गी 28 फीसदी सवां घटाइयै 18 फीसदी करी दिता ऐ। एहदा मकसद मंग्ग च बाद्दा करना, मुकामी उत्पादकें दी सहायता करना ते आयात पर निर्भरता गी घट्ट करना ऐ। लोकें एकड़े सुधारें दा सुआगत करदे होई आखेआ ऐ जे एहदे कन्नै इलैक्ट्रानिक समेयान होर सस्ता होग। इस फैसले कन्नै भलेआं लौहके, लौहके ते दरम्याने दर्जे दे उद्यमें गी लाह पुज्जने दी मेद ऐ। जीएसटी दिआं नमियां दरां संगारें सवां लागू होई जाडन। इस पर प्रतिक्रिया दिं' दे होई किश मुकामी लोकें आखेआ ऐ

<><><><><><>

Swasth Nari Sashakt Parivar J&K

“स्वस्थ नारी- सशक्त परोआर” अभियान दे जरिए जम्मू-कश्मीर महिला सशक्तिकरण दी बता पर सभ्भनै शा अग्गे ऐ। इस पैहल दे तैहत-मुफ्त सेहत जांच ते स्वास्थ्य सेवां आयुष्मान आरोग्य मंदिरें ते समुदायिक सेहत केन्द्रें पर उपलब्ध करवाइयां जा रदियां न। ए सुविधां 2 अक्टूबर-2025 तोड़ी दितियां जागंन। जम्मू-कश्मीर दी महिलाएं गी कोल दे सेहत जांच शिविर च जाने आस्तै प्रेरित किता गया ऐ जे ओ सेहत दी बेहतरी आस्तै दिती जा रदी सुविधां दा लाह ठोआन।



CS-VVP-II

मुख्य सचिव अटल डुल्लु होरें वाईब्रेंट विलेज प्रोग्राम दे दुए चरण गी लागू करने सरबन्धी रणनीति दा जायजा लैता ते सरबन्धत अधिकारिणं गी निर्देश दिते जे ओह तय समें-सीमा दे अंदर-अंदर इक असरदार कार्ययोजना तैयार करन। केन्द्र सरकार दी माली मदाद कन्नै चलाई जा' रदी इस योजना तैहत ब' रे 2024 शा 2029 तगर 6 जहार 8 सौ उनताली करोड़ रुपें दे बजट कन्नै जम्मू-कश्मीर दे बन्ने आहले 8 जिलें - जम्मू, सांबा, कठुआ, रजौरी, पुंछ, बारामूला, बांडीपोरा ते कुपवाड़ा दे सामरिक महत्व आहले कुल 124 सरहदी गाएं दा पूरा-पराता विकास जकीनी बनाया जाहग। मुख्य सचिव होरें प्रधानमंत्री ग्राम सड़क योजना, राश्ट्री ग्रामीण आजीविका मिशन ते पी.एम-श्री ज्नेही योजनाएं दे दायरे हेठ 100 फीसद योग्य लाभार्थिणं गी आहनने दी जरूरतें पर बी जो पाया।



Northern Railway Train Update

जम्मू संभाग च पिच्छले दिनें होई दियें भारी बरखें ते पानी भरोची जाने करी प्रभावत होई दी रेल सेवा कल परतियै ब्हाल होई जाहग। सुरक्षा दा मुआयना करने मगरा चरणबद्ध तरीके कन्नै सेवा गी ब्हाल करदे होई उत्तर रेलवे ने घोशणा कीती ऐ जे जम्मू-तवि-वाराणसी, जम्मू-तवि-हावड़ा ते जम्मू-तवि-पटना रेलगड्डियां परतियै चलना शुरू करी देडन। तोआई श्री माता वैष्णो देवी कटरा-डाक्टर अम्बेडकर नगर रेलगड्डी संगारें ब्हाल होई जाहग। सीनियर मंडल कारोबारी प्रबंधक उचित सिंघल होरें इस गल्ला दी तस्दीक कीती ऐ जे क्रमवार ढंगै कन्नै सेवा गी आम चाल्ली दा बनाया जा करदा ऐ, कीजे पुलें ते पटरी पर चला करदा तकनीकी कम्म तकरीबन सबूरा होने आहला ऐ। उ' आं यात्रियें गी सलाह दिती गई ऐ जे ओह यात्रा करने कोला पैहले उत्तर रेलवे दी वैबसाईट जां हैल्पलाईन नम्बर पर ताजा जानकारी हासल करी लैन।



Sewa Parv.- Digital Health Ecosystme (Byte)

पूरे देश च मनाए जा रदे “सेवा पर्व” दे तैहत अज्ज अस तुसेंगी दस्सगे कियां मोदी सरकार नै भारत दे डिजिटल सेहत सेवा तंत्र गी महत्वपूर्ण मजबूती दिती ऐ। आयुष्मान भारत डिजिटल मिशन जेड़ा के 2021 गी शुरु किता गया हा-एदे ऐठ 80 करोड़ थमां मते आयुष्मान भारत सेहत खाते बनाए गे जिन्दे जरिए 71 करोड़ सेहत कार्ड लिंक किते जा रदे न। इक हजार 6 सौ करोड़ रुपए दे बजट दे कन्नै-इस मिशन दा मकसद सेहत सेवां आस्तै मजबूत डिजीटल ढांचा तैयार करना ऐ। इस मिशन दा इक हिस्सा ई-संजीवनी प्लैटफार्म नै Telemedicine सेवा राएं दूर-दरेडे इलाकें च रवा रदे लोकें दी बेहतर सेहत सेवा तोड़ी पुज्ज खरी-मती बदा रदा ऐ। Telemedicine सेवा आस्तै लोक फोन करियै डाक्टरें दा मशवरा हासल करदे न। प्रधानमंत्री नरेन्द्र मोदी होरें इस बारे बोलदे होई आखेया

<><><><><><>